

Sveitarstjórn Húsavíkur
B.t. Kristjáns Þórs Magnússonar sveitarstjóra
v/Ketilsbraut
640 Húsavík

Á árinu 2006 sameinuðust nokkur sveitarfélög á Norðausturhluta Íslands. Langstærst þeirra var Húsavík, en hin voru Kelduneshreppur (Kelduhverfi), Öxarfjarðarhreppur (Kópasker og nágrenni) og Raufarhafnarhreppur (Raufarhöfn).

Við sameininguna var tekið upp nýtt bæjarmerki (hestfótur) og heiti sveitarfélagsins var breytt í Norðurþing. Fljótlega komu fram tæknilegir ágallar á nýju bæjarmerki og var þá afráðið að nota bæjarmerki Húsavíkur fyrir hið nýja sameinaða sveitarfélag.

Sjálfur hef ég alla tíð haft miklar efasemdir um þá ákvörðun að breyta nafni sveitarfélagsins í Norðurþing. Líklega var það gert að undangengnum undirbúningi og vali. Ef ég man rétt kom ekki til álita að nota nöfn eldri sveitarfélaga á hið sameinaða sveitarfélag.


Orðið Norðurþing er sérstaklega óþjálmt í notkun og samhæfing þess við svæðið hefur alltaf verið erfið. Í því sambandi má nefna að margir skila illa mun á Norðurþingi og Norðurþingeyjarsýslu. Erfitt er að nota orðið Norðurþing á íslenskri tungu og erlendir gestum okkar finnst nafnið vera tungubrjótur. Auk þess samhæfist það illa t.d. ensku stafrófi. Reynslan hefur sýnt að mjög fáir eða engir hafa nýtt þetta nýja sveitarfélaganafn til almennrar notkunar, s.s. að nefna félög eða aðra starfsemi eftir því eða nýta það í kynningarefni eða auglýsingar.

Örnefnið Húsavík er það elsta á Íslandi, enginn staður eða persóna sem er til staðar á Íslandi hefur eldra nafn. Nafnið er þjálmt fyrir Íslendinga og vel þekkt. Fyrir erlenda gesti okkar er það mjög þjálmt og enn mikið notað. Þeir bera nafnið ogt fram sem Husavik. Húsavík hefur notið þess að ferðamannstraumur er mikill þar. Brautriðjendur og þeir sem eftir hafa komið hafa kynnt og nýtt Húsavík í kynningarefni og auglýsingar.

Þannig er Húsavík lang mikilvægasta örnefndi og kynningarheiti á okkar svæði og mikilvægt að styrkja og efla ímynd þess og notkun, eins og kostur er.

Eflaust væri hægt að kasta krónutölu á verðgildi nafnins Húsavík. Líklegt er að það yrði metið eitt hið verðmætasta á Íslandi og það langverðmætasta sem við höfum á Norðurlandi.

Sá galli var á nýja sveitarfélagahaitinu Norðurþing (nota það helst ekki), er að fleiri og stærri aðilar nota það til að merkja svæðið sem við köllum Húsavík dagsdaglega. Í því sambandi er rétt að skoða nýja skjámynd frá map.google.com, sem sýnir Norðausturland.



Hér er síðan skráning og kort af útivistarmanni sem hljóp um Húsavík.

RUNNING ▾ BY ÁGÚST SIGURÐUR ÓSKARSSON ON TODAY @ 17:24



Norðurþing Running ✎

Event Type: Uncategorized ▾ Course: -- ▾ Gear: Add


7,63 km
Distance

50:32
Time

6:38 min/km
Avg Pace

105 m
Elev Gain

611
Calories



Þessir stóru upplýsingatæknirisar, Google og Garmin virðast í auknu mæli farnir að merkja þéttbýlið á Húsavík sem Norðurþing. Auðvitað mun litla vikin við þéttbýlið heita áfram Húsavík, með sama hætti og Saltvíkin heldur sínu nafni á kortunum. Þessi þróun rýrir verðgildi og mikilvægi Húsavíkur nafnsins og veldur gestum okkur óþægindum og ruglingi.

Skoðun mín á sveitarfélaganafninu Norðurþingi hefur breyst með árunum. Úr því að vera mjög neikvæð í það að telja hana hættulega og skaðlega fyrir svæðið og okkar ágæta elsta nafn landsins - Húsavík.

Hætta er á því að Norðurþingsnafnið muni valdi frekari ruglingi í framtíðinni og beinlínis rýra þá ímynd og verðgildi sem enn er í Húsavíkur nafninu.

Nýlegir atburðir t.d. Netflix myndin og margt tengt henni hefur styrkt mig í þeirri trú að við séum mikið betur sett með Húsavík sem sveitarfélaganafn, frekar en Norðurþing.

Með vísan til þessa vil ég biðja ykkur að breyta nafni sveitarfélagsins í Húsavík að nýju. Þannig styrkið þið eitt verðmætasta vörumerki og tákn svæðisins.

Ég mun verða ykkur innann handar, ef frekar upplýsingar eða skýringar vantar um þetta efni.

Kær kveðja!

Ágúst Sigurður Óskarsson
Auðbrekku 16, Húsavík